



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita Francisci Borgiae Tertij Societatis Iesv Generalis**

**Ribadeneyra, Pedro de**

**Mogvntiae, 1603**

XII. Collegia Societatis passim ædificata

**urn:nbn:de:hbz:466:1-45256**

*Collegia Societatis passim a-  
dificata.*

**E**T hi quidem Socii sanguine  
viam sibi ad immortalitatem  
munierunt: eorum cædes adeo  
alios non deterruit, vt plures et-  
iam in dies Socij id ipsum votis  
expeterent. Nec Sociorum dun-  
taxat numerus creuit, sed &  
Collegiorum magna eo ipso tẽ-  
pore facta accessio est. Nos or-  
dine pleraque locorum & tem-  
porum, quoad eius fieri potest,  
habita ratione referemus. Igitur  
apud Lusitanos, vt ab vltimis  
terræ finibus auspicemur, Reges  
illi singulari in Societatem stu-  
dio, & beneuolentia, (quam &  
recens ortam munifice comple-  
xi sunt, & è patrio solo, India-  
rum in remotas regiones tran-  
stulerunt) insulis Materiæ, &  
Ter-

Tertiæ Collegia Sociorum, magno insularum commodo, excitarunt. Optabant enim pij Reges non tam suum, quam CHRISTI Regnum proferre: suosque, depulsis iam errorum tenebris, Christianæ Religionis præceptis imbui, vnaque cum nutricis lacte imbibere pietatem. Anno itaque opinor clo. 1570. Io. LXX. in Materiam Rector cum Socijs aliquot conscendit Emmanuel Sequeyra. Angram verò, quæ metropolis est vnius insularum Tertiæ, primus proficiscitur Ludouicus Vasconcelus. Rex è publico stipendium alendis Socijs, quod satis esset, assignavit.

Eo ipso tempore in Baetica Collegium Baezanum his ortum principiis. Elvira Avila, matrona nobilis, testamento sua

le-

legauit alendis Sociis. His accessit, Collegij S. Iacobi, à Compostellano diuersi, redditus, quod à Didaco Carillo Caruacalio non satis fundatum, non habitabatur. Patronorum itaque voluntate, vt vltima testatoris rata voluntas esset, Pontifex supplicibus bello rogatus, Societati attribuit. In Toletana Prouincia per idem tempus Huetense Collegiū habitari cœptum, triennio quidem ante inchoatum: quo anno Stephanus Ortifius, Sacerdos diues, patriique commodi in primis studiosus, moriens sua, Sociorum alimento, incolarum beneficio, reliquerat. Apud Siculos item Calataierone (id opidum insulæ vmbilicum tenet, opulentia clarum, & frugum messe) Socij acciti domicilia habere cœperunt, & ex arario  
ali;

ali, fructum animarum tanquã  
manipulos relaturi. Redeo in  
Hispaniam; in Castellana pro-  
uincia, Legionense Collegium  
instituit, dotauitque Ioannes  
Sancti Æmiliani cognomento,  
eius urbis Episcopus, singulari  
vir & castimonia, & vitæ austeri-  
tate. Propositum enim Præsuli  
innocentissimo, ex Tridentinæ  
Synodi iussu, egenos alumnos  
ad Sacerdotij dignitatem infor-  
mare, qui iam natu grandiores,  
in Domini vinea colenda, labo-  
ris in partem venirent. Quæ spes  
eum non fefellit. Dici enim vix  
potest quanto studio, sopita illis  
locis ingenia, extinctosq; igni-  
culos, Socij docendo, & concio-  
nando, excitarint. Malacitanum  
Collegium Baeticæ Prouinciæ,  
eo ipso anno cœptum, liberali-  
tate Francisci Blanci, Episcopi.  
Hic

Hic olim Orietanus Episcopus,  
 Montis regalis Collegium So-  
 ciorum Prouinciæ Castellanae,  
 alimentis auxerat: nec his con-  
 tētus fuit. Archiepiscopus enim  
 creatus Compostellanus, Sociis  
 ibidem domum sua pecunia ex-  
 ædificauit: Sociosque qui Sa-  
 lamantice in sacra studia incum-  
 berent, liber aliter fouit. Vetus  
 nimirum Sociorum patronus,  
 ex quo Tridentino è Concilio  
 in Hispaniam Episcopus reuertit.  
 Villagarziensis domus Tiro-  
 nes Socios informat, perficit ve-  
 teranos. Hanc nobilis, vereque  
 generosa matrona Magdalena  
 Vlloa, à fundamentis ingenti  
 sumptu ædificandam curauit:  
 partim auctoritatē secuta con-  
 iugis morientis, Ludouici Qui-  
 xadæ, qui Præses Indici Senatus,  
 dum vixit, fuit, & à consiliis inti-  
 mis

mis Philippo Regi Catholico,  
eiusque oppidi dominus: par-  
tim vt incolarum Liberos opti-  
mis disciplinis, Sociorum opera,  
moribusque imbueret. Id qui-  
dem vltimū Collegium FRAN-  
CISCVS in Hispanica profectio-  
ne, qua de infra dicitur com-  
modius, admisit, probauitque.  
Ila verò matrona, summo pie-  
tatis studio, alterum Ouetense  
Collegium Socijs exstrui iussit:  
eo solum consilio, quod omnē  
illam Asturum regionem cul-  
tura, literisque indigere audi-  
uisset. FRANCISCVS in ea ipsa  
Hispanica legatione, anno, qui  
fuit ei vltimus, cIo. Io. & LXXII.  
in Gallia, Burdigalense Collegi-  
um ciuitatis sumptibus exstrui  
permisit, Sociosque missurum  
se recepit. Alterum item Niuer-  
nense beneficio cœptū Ludoui-  
ci

ci Gonzagæ, eius ditionis Regu-  
 li. Ea tempestate in Lotharingia  
 Collegium Mussipontanum in-  
 stitutum, liberalitate Caroli Lo-  
 tharingi, Cardinalis amplissimi,  
 hominis summa prudentia, an-  
 tiqua fide, egregia doctrina, pro-  
 pe singulari eloquentia. excel-  
 lentis: quibus artibus egregie  
 Catholicam fidem. semper de-  
 fendit: omnique adeo familiæ  
 Lotharingicæ, & Guisicæ, laus ea  
 propria, ac pæne singularis, (san-  
 guinis enim prodigi semper ex-  
 stiterunt), vt orbi testatum reli-  
 querunt. Multum sane viderat  
 prudens ille vir, Gymnasiū hoc  
 tanquam molem, murumque  
 obijci oportere, hæreticorum  
 audaciæ, atque tumultibus. In  
 Germania, Rhenana in Prouin-  
 cia, Fuldense inchoatum Colle-  
 gium Societati Abbatis, Princi-  
 pis-



pisque Imperij Balthasaris sum-  
 ptu edificatum. In Polonia quo-  
 que tum Posnaniense ab vrbis  
 Antistite institutum. In Austria  
 Prouincia, Brunæ, quæ in Mo-  
 rauia sita vrbs est, tironibus So-  
 ciis è publico domus data. In Ita-  
 lia verò, in prouincia Insubrum,  
 altera tironum domus Aronæ  
 attributa à Carolo Borromeo,  
 Cardinali sanctissimæ vitæ, qui  
 & Mediolanensis Collegij au-  
 ctor exstitit: quod quidem do-  
 micilium, cum ad sancti Fidelis  
 ædem sacram esset, vertit in do-  
 mum Professorum Sociorum.  
 Collegiumque inde, Breranum  
 in templum transit. Humiliato-  
 rum olim ea sedes fuerat; quam  
 Religionem Pius v. ea fere tem-  
 pestate exstinxerat, Sociorum-  
 que vsui attribuit: hodieq; pos-  
 sidetur magna ciuium volunta-  
 te si-

te simul & fructu. Et hæc quidem triennio condita à FRANCISCO Collegia memoria reposito, nisi forte, vt sunt res humanæ, quædam nos fugerunt.

## CAPVT XIII.

*Summo se magistratu abdicare conatur FRANCISCVS.*

**H**Is fere occupatus, magno Ecclesiæ commodo, & Societatis, FRANCISCVS tenebatur: tamen, quæ erat animi demissione, atque modestia, cum cæteris satisfaceret omnibus, sibi ipsi nunquam: magistratu abire, seque abdicare decreuit: sperans fore, vt si eadem alter potestate polleret, maiores Sociis fructus adferret. Tum se annis fessum, labore fractum, & morbis variis obnoxium. Onus sibi ad hæc  
gra-